

CONVENIO DE COLABORACIÓN ENTRE A CONSELLERÍA DE POLÍTICA SOCIAL E XUVENTUDE E A ASOCIACIÓN POR ELES T.E.A. OURENSE – PETEA, PARA O FINANCIAMENTO DUN PROGRAMA DE ATENCIÓN SOCIO FAMILIAR PARA PERSOAS CON TRASTORNOS DO ESPECTRO AUTISTA, NO EXERCICIO 2022.

MEMORIA XUSTIFICATIVA

O director xeral de Persoas con Discapacidade,

DECLARA:

Que a Consellería de Política Social e Xuventude ten previsto formalizar coa Asociación Por Eles T.E.A Ourense o instrumento convencional arriba referido por un período de vixencia que estenderá os seus efectos dende a súa formalización ata o 31 de decembro de 2022. Non obstante, financiaranse os gastos realizados dende o 1 de xaneiro de 2022 sempre e cando amporen actuacións encamiñadas a asegurar o correcto cumprimento dos acordos acadados.

Que o instrumento convencional ten por obxecto a colaboración por parte da Consellería de Política Social e Xuventude no financiamento por parte dun programa de atención socio familiar para persoas con con trastornos do espectro autista, durante o exercicio 2022.

Que existe converxencia de intereses entre as entidades asinantes en orde á consecución do obxecto referido.

Que o instrumento convencional que se pretende asinar fundamentase no seguinte:

Actualmente faise preciso establecer medidas de apoio a todas aquelas persoas diagnosticadas con trastornos do espectro do autista e as súas familias na cidade de Ourense, durante todas as etapas do ciclo vital, dando asesoramento, terapias, actividades e tempo de ocio para construír unha identidade colectiva, baseándose na cooperación e no intercambio de coñecemento, así como facer visible esta afectación para unha correcta integración dos afectados na sociedade, e darlles os medios necesarios as persoas con TEA para que estean preparados para unha anticipación e resposta correcta ante as diferentes situacións cotiás coas que se poden atopar no día a día.

Conforme aos requisitos previstos no artigo 19.4 c) da Lei 9/2007, do 13 de xuño, de subvencións de Galicia, e no 36 c) do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, a asociación "Por Eles TEA Ourense - PETEA", acompaña ás familias das persoas con TEA no seu proxecto de vida, atendendo ás súas necesidades e demandas e facilitando os apoios precisos para mellorar a súa calidade de vida familiar e benestar de cada un dos seus membros, co fin de promover a súa inclusión como cidadáns de pleno dereito nunha sociedade máis xusta e igualitaria. Intervén de maneira personalizada e individualizada con cada persoa usuaria e/ou familia. A metodoloxía establece unha visión global da vida diaria da persoa con TEA e da súa contorna, adaptándose ás necesidades únicas de cada familia, traballando non solo no contexto terapéutico se non en todos os contextos nos que a persoa con TEA participa co obxectivo de favorecer a xeralización e a funcionalidade das aprendizaxes, e polo tanto isto implica directamente a súa familia.





Utiliza un enfoque integral e individualizado en función das necesidades de cada persoa usuaria, centrado nas potencialidades de cada persoa e non nas súas carencias, baseado entre outros nos principios de aprendizaxe funcional (coñecementos previos e actividades do seu entorno máis próximo), e socializador (fomento da inclusión social potenciando a utilización de recursos da comunidade). Isto último constitúe un elemento diferenciador da actuación desta entidade que se basea no emprego dos mesmos recursos que están a disposición de calquera persoa, coas adaptacións e apoios que sexan necesarios na busca de niveles de integración máis elevados.

Así mesmo, tendo en conta, por unha banda, a especificidade das características da actividade que se vai financiar por razón do colectivo ao que van dirixidas, por outra, a ausencia no ámbito territorial de aplicación de entidades alternativas que dispoñan da infraestrutura material e medios humanos esixibles e a súa adecuación ao ámbito competencial da Consellería de Política Social e Xuventude, conforme ao previsto no Decreto 124/2022, do 23 de xuño, polo que se establece a súa estrutura orgánica, en tanto que se trata de persoas con discapacidade, e as específicas necesidades inherentes ao colectivo ao que van dirixidas, considéranse razóns que acreditan o seu interese social. Polo tanto queda xustificada a concesión directa desta subvención, en aplicación do artigo 26 da Lei 9/2007, do 13 de xuño, que permite establecer convenios a través dos cales se canalizan estas subvencións..

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, de 8 de novembro, de contratos do Sector Público ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, do 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste asino esta memoria en Santiago de Compostela

P.A./ disp. ad. 1ª Decreto 124/2022, do 23 de xuño
O director xeral de Maiores e Atención Sociosanitaria,
Antonio Acevedo Prado

